

# الحسن البصري ومدرسة التزكية || سلسلة مجددون || الشيخ احمد

جلال

أحمد جلال

اوعوا في حياتكم تعلموا نفسكم على انه بعيد عن بعض. اتعلموا دايما ان انتم تكونوا قريبين من بعض. يلا هعید الحديث تاني عشان ما عدتش عايز اکرره. آآ النبي صلی الله عليه وسلم نزل في منزل فاخد - 00:00:00

كل واحد من الصحابة مكان يجلس فيه. فقال النبي صلی الله عليه وسلم ما لي اراكم عزيز؟ ان تفرقكم هذا لمن الشيطان. فكانوا بعد ذلك اذا نزلوا في منزل مع رسول الله صلی الله عليه وسلم فالقى عليهم ثوبا لوسعهم لشمائهم من شدة ما هم كانوا قريبين اوي من بعض - 00:00:20

اه نبدأ بالدرس. بسم الله والحمد لله والصلوة والسلام على رسول الله. صلی الله عليه وسلم وبعد. بعد ما اتكلمنا عن المجدد الاول من المجددين في الاسلام وهو عمر بن الخطاب رضي الله عنه على مدار ست دروس كاملة. تحدثت فيها معكم عن عمر ابن الخطاب. وكيف انه بحق كان - 00:00:40

ممن جدد الله عز وجل بهم الدين في شتى مجالات الحياة. اليوم باذن الله تبارك وتعالى نتكلم عن مجدد اخر من المجددين المجدد ده بالذات مع ان ترتيب العلماء في المجددين كانوا يبدأوا بعمر بعديه عمر ابن عبدالعزيز. ولكن انا تخيرت المجدد اللي احنا نتكلم عنه - 00:01:00

اليومين الثلاثة اربعة خمسة عشرة اتناسع عشرين الجاريين دول. باعتبار ان الايام دي احنا محتاجين قوي ان احنا نتكلم عن هذا الرجل. هذا الرجل هو الذي اسس دعائم مدرسة التزكية. الراجل ده اللي اسس للتزكية مدرسة. وقدر من - 00:01:20

خلال المدرسة دي انه ابتداء يذكرني نفوس الناس ويعلم الناس كيف تكون تزكية النفس. وكيف يكون الناس زي الحسن البصري كان دايما بيفكر وده المجدد بتاعنا. ازاي كان بييفكر دائمآ انه ينشأ شاب. الشاب ده لا يطلق عليه الا - 00:01:40

كلمة واحدة هذا عبد من عباد الله. ده عبد رباني. دي مدرسة الحسن. فالحسن هو اول من اسس لمدرسة التزكية والتربية رضي الله عنه رحمه الله رحمة واسعة. نود سريعا كده آآ لمحة بسيطة عن الحسن البصري - 00:02:00

بعد كده نتكلم بقى عن اول اصل من اصول مدرسة التزكية التي قام بها الحسن البصري رحمة الله عليه. الحسن البصري ولد في اخر سنتين من خلافة عمر. في عام واحد وعشرين من الهجرة قبل موت عمر بستين. رحمة الله عليه رحمة واسعة - 00:02:20

ولد الحسن البصري وكانت امه مولاة لام سلمة. ب تقوم بخدمة ام سلمة زوج النبي صلی الله عليه وسلم. فكان الحسن يرعى في بيت ام سلمة ويروى ان ام سلمة رضي الله عنها رأته ذات يوم يبكي وقد غابت امه - 00:02:40

الحسن البصري من ام سلمة زوج النبي صلی الله عليه وسلم. فلو سألنا مين ام الحسن البصري بن الرضااعة تكون مين؟ ام سلمة زوجة النبي صلی الله عليه وسلم وبالتالي هو رضيع من بيت النبوة. نشأ وترعرع وتربى في هذا البيت. ومنذ صغره - 00:03:00

كانت ام سلمة رضي الله عنها زوج النبي صلی الله عليه وسلم ترى عليه امارات النجابة. ترى فعلا ان هذا الانسان سيجدد الله عز وجل به الدين فكانت تخرج الحسن البصري للصحابة رضوان الله عليهم فاذا رأوا الحسن دعوا له بخير. واما عمر رضي الله عنه - 00:03:20

نظر ورأى الحسن البصري اول ما شافه قال اللهم فقهه في الدين وحببه الى كل الناس ودعوة عمر فعلا كانت مجابة. ما من احد يذكر

له الحسن البصري الا ويثنى عليه ثناء - 00:03:40

بدأ رحمة الله عليه بدأت نسأته انه يحفظ كتاب الله عز وجل. ومن هنا يا اخواني من هنا والتربيه دي هي اللي اثرت بعد ذلك في مدرسة الحسن البصري يا اخواني عيب علينا نبقى متذمرين سنة واتنين وتلاتة واربعة وخمسة ومش خاتمين القرآن. حسن البصري رحمة الله عليه اتم - 00:04:00

فحفظ القرآن وهو ابن عشر سنين وهو عنده عشر سنين ختم القرآن رحمة الله عليه. ثم بعد ذلك بدأ انه يلقن العلم على ايدي عشرات من اصحاب النبي صلى الله عليه وسلم - 00:04:25

يأخذ منهم العلم وينظر الى هديهم وسمتهم حتى كان الامام الغزالى رحمة الله عليه يقول والله ما رأت هذه الامة احدا كلامه اشبه بكلام الانبياء من الحسن. ولا احدا اشبه بهدي الصحابة من الحسن - 00:04:38

يبصروا للصحابة ويقلد. شف هديهم واديهم واخلاقيهم وطباعهم وكلماتهم يأخذ ده كله ويبدأ بقى يفهم ويفكر ويبدأ يصبح وهذه الكلمات يتذمر في ايات القرآن يتذمر في سنة النبي صلى الله عليه وسلم ويصبح الكلام ده وينقله للناس. رضي الله عنه - 00:04:58 رحم الله رحمة واسعة. كان الامام انس بن مالك رحمة الله عليه امام دار الهجرة. الامام انس. معذرة كان الامام مالك ابن انس. اذا سئل في سنة يقول سلوا فيها مولانا الحسن - 00:05:18

سلوا فيها مولانا الحسن رحمة الله عليه. وكان قتادة يقول والله ما رأيت فقيها الا وكان للحسن فضل عليه فيش فقيه من الفقهاء اللي احنا شفناهم ده ده قتادة امام التابعين. يقول ما رأيت فقيها الا وكان للحسن فضل عليه. الحسن - 00:05:33

رحمه الله عليه عاش بفكرة. الحسن عاش بفكرة. فكرته انه يؤسس لمدرسة التزكية. انه مؤسس مدرسة الربانيين انه يؤسس المدرسة اللي يتخرج منها لا يطلق عليه الا ان هذا رجل من الصالحين - 00:05:53

طب يا ترى ايهم دعائم هذه المدرسة اللي تبنيناها الحسن البصري؟ الدعامة الاولى في مدرسة الحسن البصري انه يربط الناس بالقرآن وده درس النهاردة. انا النهاردة هتكلم عن اول دعامة في مدرسة التزكية. اللي عايزة يتربى. اللي عايزة يذكي نفسه. اللي عايزة فعلا يكون انسان يطلق عليه ان فعلـا - 00:06:13

انسان ملتزم انه لازم يتمسك بالقرآن. حسن البصري رحمة الله عليه كان ناوي كان عايزة من مدرسة التربية ومدرسة اللي بيأسر للان لها انه عايزة لما يقول يا جماعة اول دعامة في مدرستي هي القرآن انما يريد بذلك ان الانسان مننا لما يخش - 00:06:34 القرآن لمدرسة القرآن في مدرسة التزكية لما يخش فصل القرآن ويتمسك بالدعامة الاولى في مدرسة التزكية انا نرى اثر القرآن على الشخص ده اللي احنا محتاجينه. ده اللي كان الحسن بيقول يا جماعة اللي عايزة يتربى على ايديها لازم يفهم الكلام ده كويـس. احنا محتاجين فعلـا نصنع كما - 00:06:54

عن النبي صلى الله عليه وسلم قرآن يمشي على الارض. يا اخواني انا ايه يعني اخ يكون دقنه اربعة متر واحد بالك وكذاب. او مش امين. ده ملتزم؟ ده الانفصـال اللي احنا مش عايـزـينـه. مدرسة التزكية - 00:07:14

الحسن البصري هو يهدف من وراء حاجة واحدة بـس. ان الانسان مننا لما يربط بالقرآن في مدرسة التزكية ان احنا نرى اثر القرآن في كلـامـهـ في اـدـبـهـ في اـخـلـاقـهـ في سـلـوكـهـ فـكـانـ رـحـمـةـ اللهـ عـلـيـهـ يـقـولـ انـ الرـجـلـ اذاـ طـلـبـ القرـآنـ وـالـعـلـمـ - 00:07:32 لم يلبـثـ انـ يـرـىـ ذـلـكـ فيـ خـشـوعـهـ وـحـلـمـهـ وـتـوـاضـعـهـ وـادـبـهـ معـ النـاسـ. دـهـ الـاـصـلـ اـوـلـ اللـيـ الحـسـنـ بـيـبـنـيـهـ. ياـ اـخـوـانـيـ وهذاـ ماـ اـرـجـوهـ انـ اـنـ بـكـونـ بـيـبـنـيـهـ لـانـ فـلـوـبـكـ. ياـ اـخـوـانـيـ آـآـ صـفـ المـلـتـزمـ دـخـلـ فـيـهـ - 00:07:52

كتير جدا ولكن الصف ده لما بيجي يخش مدرسة التزكية احنا عايـزـينـ نـغـرـبـلـ الصـفـ دـهـ. بـحـيـسـ ياـ اـخـوـانـيـ الليـ يـخـشـ مـدـرـسـةـ التـزـكـيـةـ اـحـناـ نـضـمـنـ بـعـدـ كـدـهـ انـ الـا~نسـانـ دـهـ يـكـونـ فـعـلـاـ قـرـآنـ يـمـشـيـ عـلـىـ الـارـضـ. السـيـدـةـ عـائـشـةـ لـمـ كـانـتـ تـسـأـلـ عـنـ النـبـيـ صلىـ اللهـ عـلـيـهـ وـسـلـمـ فـكـانـتـ تـقـولـ - 00:08:12

كان يمشي على الارض. النبي كان كده. احنا عايـزـينـ الـاخـ النـهـارـدـةـ لـمـ بـيـتـرـبـيـ فـيـ المسـجـدـ يـتـرـبـيـ عـلـىـ انـ القرـآنـ لـمـ بـيـأـثـرـ فـيـهـ يـظـهـرـ دـهـ فـيـ اـدـبـهـ وـفـيـ سـلـوكـهـ وـفـيـ اـخـلـاقـهـ. ايـ مـكـانـ ايـ وقتـ تـشـوفـ فـيـهـ الـا~نسـانـ دـهـ تـحـسـ فـعـلـاـ تـقـولـ الـا~نسـانـ دـهـ مـنـ اـهـلـ القرـآنـ. فـعـلـاـ

ملتزم. يا اخواني هذا ما كان الحسن يرجوه ويطلبه. من اجل ذلك كان الحسن دايما بياصل للمدرسة دي فيبيقول ايه رحم الله رجلا خلا بالقرآن. رحم الله رجلا خلا بالقرآن. ثم عرض نفسه على - 00:08:52

القرآن. تعال بقى نعرض نفسها على القرآن. نشوف احنا فعلا احنا متمسكين باداب القرآن. متمسكين باخلاق القرآن. بينما وبين بعض ادب القرآن بينما وبين بعض موجود رحم الله رجلا خلا بالقرآن. ثم عرض نفسه عن القرآن. فاذا وافقه - 00:09:12  
حمد الله حمد الله وسائله المزید من فضله. حمد الله وسائله المزید من فضله. وان خالفه تاب ورجع من قريب. شف التأصيل اللي الحسن بياصله الان. احمد ربنا سبحانه وتعالي يقول ان المتقيين في جنات - 00:09:32

اخذين ما اتهم ربهم كانوا قبل ذلك محسنين. كانوا قليلا من الليل ما يهجنون. اعرض نفسك على الاية دي. انت داخل في هي دي بيقى انت لست ما زاكرت نفسك. لو قلت لأ. بيقى انت لست ما زكيتش نفسك. ها صاحب المال تعالى. من ذا الذي يقرض الله قرضا حسنا فيضاعفه له - 00:09:52

تعال اعرض نفسك يا اسلام على الاية دي. ها ومامشية معك اه احمد ربكم سبحانه وتعالي. انت وعباد الرحمن الذين يمشون على الارض هونا واذا خاطبهم الجاهلون قالوا سلاما. انت لما واحد جاهل بيشتتمك على الصفا بتاعتكم اخبارك ايه؟ سلام عليكم لا نبتغي الجاهلين - 00:10:13

انت بتعمل كده ؟ لأ. راجع نفسك. فالمدرسة بتاعة الحسن البصري قائمة على هذا الاصل. ان احنا يا اخواني نراجع نفسها مع القرآن احنا فيين من القرآن؟ اين نحن من القرآن؟ يا اخواني يا احبابي الامم اللي قبلنا كانت في وادي - 00:10:33  
والكتب بتاعتتها في وادي. فضلوا وهلكوا. ضلوا وهلكوا. الله سبحانه وتعالي عاتب اليهود فقط مثل الذين حملوا التوراة ثم ها؟ لم يحملوها كمثل هو ربنا سبحانه وتعالي في التوراة قال لهم صلوا - 00:10:53

ربنا سبحانه وتعالي في القرآن قال لهم صلوا. اقيموا الصلاة. بتصلني؟ حافظ على صلاتك. اعرض نفسك على القرآن. قام حافظ بفضل الله. احمد الله عز وجل وسائله المزید. دي مدرسة الحسن البصري. كان رحمة الله عليه يقول - 00:11:13  
ان من شر الناس اقواما قوم يقرأون القرآن. لا يعملون بما فيه اولئك الذين قال الله فيهم اولئك يلعنة الله ويلعنهم اللاعنون لقد كان من كان قبلكم بيقول لهم يا جماعة الناس دلوقتي صنفين. الصنف الاول اللي يجي يعرض نفسه على القرآن تلاقيه هو في وادي والقرآن في وادي - 00:11:31

دول اللي ربنا قال في شأنهم يلعنة الله ويلعنهم اللاعنون. وقام متوجه بقى للي حواليه وقام قايل لهم ايه؟ ايها الناس لقد كان من قبلكم والله لقد مات رسول الله صلى الله عليه وسلم. وان كثيرا من اصحابه لم يختتموا القرآن - 00:12:00  
الا انفرا قليلا. وذلك لانشغالهم بالقيام به في ليهم. والعمل باوامرها والابتعاد عن زواجره. الصحابة اغلب الصحابة لم يختتم القرآن. ليه؟ لان كان منهجه الصحابي. مش العبرة عندي انا - 00:12:20

اووعى تقدم لي القرآن او حفظت تقدم لي القرآن. لان الصحابي كان شايل لهم الاساسي انا بعمل ايه بالقرآن؟ كم اية انا عملت بها كم اية انا اتربيت بها؟ كم اية انا شغال بها؟ دي كانت مدرسة الحسن. يا اخواني وده اللي انا عايز اكده عليه النهاردة. النبي صلى الله عليه وسلم خرج - 00:12:40

ذات يوم على الصحابة ونظر الى السماء وقال هذا او ان يرفع فيه العلم. فقام رجل من الصحابة اسمه محمود بن لبيد قال يا رسول الله يرفع العلم؟ اليهش قد حفظنا القرآن ووعلته صدورنا؟ فقال النبي صلى الله عليه وسلم يا محمود وان كنت لاحسن - 00:13:00  
من افقد من افقر اهل المدينة. هذه التوراة وهذا الانجيل بين يدي اهل الكتاب من قبلكم. ماذا صنعوا بها عملا ايه بها؟ فالحسن البصري الان بيربي الناس يا جماعة احنا محتاجين عودة صادقة للقرآن. احنا محتاجين لما - 00:13:20

ارجع القرآن كما كان ابن مسعود بيقول لا تهزوه هز الشعير. ولكن حرکوا به القلوب. وقفوا عند هي دي المدرسة اللي بياصل لها الحسن دلوقتي. يا جماعة مش العبرة ان انا اختم آآ سورة كاملة من القرآن. يا اخواني مش العبرة - 00:13:40

ان انا اقول انا حفظت القرآن. ولكن العبرة الحقيقة انك تكون انسان رباني عامل بهذا القرآن. ان القرآن ده يظهر في ادبك في ان القرآن ده يظهر في افعالك. انك لما تسمع الاية كده ترزلزك من جواك. هو ده هو ده المطلوب. هي دي يا - 00:14:00  
التزكية هي دي يا اخواني التزكية. الحسن رحمة الله عليه بيقول يا جماعة اللي عايز يخش مدرسة التزكية عندي هنبدأ معه بالقرآن  
بس لازم تفهموا كوييس جدا ان حملة القرآن تلات اصناف. الناس اللي حافظة القرآن تلات اصناف. اما الصنف - 00:14:20  
الاول فهو قوم اتخذوه بضاعة. ناس اتخذوا القرآن بضاعة زي الناس بتوع الميتم مسلا. تيجي يقول له احنا عندنا ميتم يقول لك  
هتديني كم خدت بالك؟ والله يا اخواني احد اخوانا والده مات فيكlem واحد من الناس دي والعياذ بالله عافاني الله واياكم من هؤلاء.  
ومن منهج هؤلاء قال له هات ادفع - 00:14:40

كم؟ انا النص ساعة انا النص ساعة عندي بكم الف ده اتربي ده اتزكي؟ هل هذا يعني عنه القرآن شيئاً؟ لا. فيقول حملة القرآن ثلاثة  
الصنف الاول اقوام اتخذوه بضاعة. يطلبون به دنيا الناس. عايزين القرآن الدنيا. واما الصنف الثاني - 00:15:04  
فقوم اقاموا حروفه وضيعوا حدوده. والصنف الثاني اللي هو انا وانت. اللي هو انا وانت. اللي امسك القرآن ده ونظر سريع كده. اه  
اقمت الحروف وعارف كمان تجويد اقام الحروف ولكن تعال شفهه عند العمل - 00:15:31  
ضيع كل حاجة. تلقي حافظ القرآن وربنا يقول ولا متخذات اخدان ولا متخذني اخدان. ويكلم بنت في الحرام. ده اقام الحرف ولكن  
اضاع الحد. تلقي سبحان الله واكلهم السحت. ربنا حرم على الناس انهم يأكلوا السحت الرشوة. تلقيه حامل - 00:15:51  
القرآن ومرتشي. قل للمؤمنين يغضوا من ابصارهم ويحفظوا فروجهم. تلقيه بيقرأها كوييس جدا. ولكن حقيقة عندي عاملة زي  
الرادار، بتراقب الكل. وما فيش واحدة تعدي غير لما يفصصها من فوقها لتحتها. عارفاني الله واياكم من هذا الصنف - 00:16:11  
وده صنف كمان هالك. الصنف الثالث بقى اللي ابن الحسن البصري عايز بينيه في قلوبكم يا شباب. الصنف الثالث صنف الشباب اللي  
اتربي صنف الشباب اللي بيensusي دايما لرزكية النفس. الصنف دايما اللي الجنة قدام عينيه. الصنف دايما - 00:16:31  
اللي سبحان الله هدفه الاساسي انه يزكي نفسه يرتقي بقلبه. فقال الحسن اما الصنف الثالث فاقوم تدبوا القرآن وتداؤوا بدوائه  
واستشفوا بشفائه. نظروا الى دواء القرآن على داء قلوبهم. بوصوا للقرآن كدواء فوضعوه على امراض القلوب فوضعوه على داء قلوبهم  
- 00:16:51

اسمع اللي جاية دي فبهؤلاء يستسقى بهم الغيث. ربنا بينزل المطر اكراما لهؤلاء. وتسدى بهم وربنا بينزل نعمه على الناس دي بسبب  
اهل القرآن دول. وتسد وتدفع بهم النقم. وهؤلاء هم حزب الله - 00:17:21  
وهؤلاء هم حزب الله الا ان حزب الله هم المفلحون. هو ده الصنف اللي احنا عايزين نبنيه الان. هقولها تاني. هو ده الصنف اللي احنا  
عايزين نبنيه الان يا شباب. انا عايزك النهاردة خارج من الدرس بالمعنى ده. انك تعيش مع القرآن بالسورة دي. كما قال ابو موسى ابن  
مسعود - 00:17:41

سيكن هم احدكم اخر السورة. او عى يكون همك وانت بتقرأ القرآن انك تختم السورة او تختتم الجزء. لا لا لا لا لا. ولكن همه انك  
تعرف ربنا سبحانه وتعالى من الاية دي ماذا يريد ان يقول لي؟ ربنا سبحانه وتعالى بيقول لنا ايه في الاية دي؟ بيأمرنا بايه في الاية  
دي؟ هم دول - 00:18:01

دول فعلا حزب الله يا اخواني والله. كان تاني ابن الحسن البصري بيقول حملة القرآن الثلاثة. الناس اللي هتخش عندنا مدرسة يا  
جماعه ده واحد من ثلاثة صنف الاول اقوام اتخذوا القرآن بضاعة يطلبون به دنيا الناس. صنف الثاني واقوم اقاموا حروفه -  
00:18:21

ضيعواها وضيعوا حدوده. طب والصنف الثالث؟ واما الصنف الثالث فهو لاء اقوام تدبوا القرآن وتداؤوا بدوائه واستشفوا بشفائه  
ونظروا الى دواء القرآن فوضعوه على داء قلوبهم. فهم الذين يستسقى بهم الغيث وتزدئ بهم النعم وتستدفع بهم النقم وهؤلاء هم  
حزب الله - 00:18:41

الا ان حزب الله هم المفلحون. احنا عايزين نكون كده. عايز الشباب اللي قدامي الان يبقى عايش بالمعنى ده. انك حامل القرآن بمعنى

عامل بالقرآن. انك تقف مع الاية وتراجع نفسك. الاية دي ماشية عليك ولا لأ؟ سيدنا ابو بكر رضي الله عنه يا اخواني - [00:19:11](#)  
على فكرة ده كان منهج النبي. الصحابة شربوه من النبي. ان انا لما اقرأ الاية فورا اقوم اعمل بها. لما انتم عارفين في قصة الافك  
حادنة الافك لما مصلح ابن اثافة طعن في عرض ام المؤمنين عائشة. هو كان ابن خالتها. وكان منمن رماها والعياذ بالله بالزنا -

[00:19:31](#)

وكان مصلح ده فقير جدا. فقير جدا. وكان ابو بكر من غير ان يشعر احد ينفق عليه انتم عارفين يا اخواني لما انا واحد يزلمني  
بتعدى. انما لما اخويا هو اللي يظلمني صعب اوyi - [00:19:51](#)

لما واحد انا واقف معه ليل نهار هو اللي يظلمني اصعب واصعب. لما واحد انا واقف معه في كل محنـة كان بيمر بها ويجي بعد كده  
في ضهرـي ضربـي في ضهرـي صعب اوyi حتى قال بعضـهم وظلمـ ذوي القرابة اشد مضـاضـة من ضربـ الحسامـ المـهـندـ - [00:20:11](#)  
حسـامـ هو السـيفـ القـاطـعـ. والمـهـندـ دـهـ بالـسـيـوـفـ الـهـنـدـيـةـ وـكـانـتـ مـعـرـوفـةـ انـ السـيـوـفـ الـهـنـدـيـةـ دـيـ شـدـيـدـةـ القـطـعـ وـالـحـسـمـ. فـيـقـولـ ياـ  
جـمـاعـةـ اـنـ اـتـحـمـلـ ظـلـمـ اـيـ اـحـدـ وـلـكـ ظـلـمـ الـقـرـيـبـ مـنـيـ دـهـ اـشـدـ عـلـىـ نـفـسـيـ اـنـ السـيـفـ دـهـ يـنـزـلـ يـقـطـعـ فـيـ جـسـمـ. اـنـ عـارـفـ حاجـاتـ اللـغـةـ  
الـعـرـبـيـةـ اـنـ اـنـتـ تـكـرـهـوـهـاـ اـنـ عـارـفـ. خـاصـةـ بـتـوـعـ السـانـوـيـةـ الـعـامـةـ - [00:20:31](#)

الـلـهـ الـمـسـتعـانـ. فـلـمـ وـاـنـ عـاـيـزـ تـعـيـشـ اـنـ دـلـوقـتـيـ سـيـدـنـاـ اـبـوـ بـكـرـ فـيـ قـمـةـ الـحـزـنـ مـشـ عـشـانـ بـنـتـهـ فـيـ عـرـضـهـ. دـهـ عـلـشـانـ النـبـيـ صـلـىـ اللـهـ  
عـلـيـهـ وـسـلـمـ حـزـينـ جـداـ اـنـ اـطـعـنـ فـيـ عـرـضـهـ. وـبـعـدـ كـدـهـ رـبـنـاـ يـرـفـعـ هـذـاـ الـكـرـبـ تـنـزـلـ الـاـيـاتـ - [00:20:51](#)

امـ المؤـمـنـيـنـ عـائـشـةـ وـابـوـ بـكـرـ لـمـ حـصـلـ دـهـ مـنـ مـسـطـحـ قـالـ وـالـلـهـ لـاـنـفـقـ عـلـيـهـ. اـنـ مـاـ عـدـتـشـ اـنـفـقـ عـلـيـهـ. كـانـتـ  
الـنـتـيـجـةـ اـخـوـانـيـ اـنـ رـبـنـاـ نـزـلـ اـيـةـ وـدـهـ الـفـرـقـ بـيـنـهـمـ. الـجـبـيلـ دـهـ اـتـرـبـيـ اوـيـ. الـجـبـيلـ دـهـ اـتـرـبـيـ وـاـتـرـكـيـ - [00:21:11](#)  
شفـ رـبـنـاـ سـبـحـانـهـ وـتـعـالـىـ بـيـقـولـ اـيـهـ وـلـاـ يـأـتـلـيـ اوـلـوـ الـفـضـلـ مـنـكـمـ وـالـسـعـةـ. ايـ يـؤـتـواـ اوـلـيـ الـقـرـبـيـ وـالـمـساـكـيـنـ وـالـمـهـاجـرـيـنـ فـيـ سـبـيلـ اللـهـ.  
وـلـيـعـفـواـ وـلـيـصـفـحـواـ. شـفـ وـلـيـعـفـواـ وـلـيـصـفـحـواـ. الاـ تـحـبـونـ اـنـ يـغـفـرـ اللـهـ لـكـمـ وـالـلـهـ غـفـورـ رـحـيمـ. الـاـيـةـ دـيـ توـصـلـ لـاـبـيـ بـكـرـ. يـعـملـ اـيـهـ؟ـ يـعـملـ  
اـيـهـ؟ـ الـاـنـسـانـ - [00:21:31](#)

الـلـيـ اـتـرـبـيـ بـالـقـرـآنـ الـلـيـ زـيـ ماـ الـحـسـنـ بـيـقـولـ رـحـمـ اللـهـ رـجـلاـ خـلاـ بـالـقـرـآنـ فـعـرـضـ نـفـسـهـ عـنـ الـقـرـآنـ. فـانـ وـافـقـهـ  
حـمـدـ اللـهـ وـسـأـلـ اللـهـ الـمـزـيدـ وـانـ خـالـفـهـ تـابـ وـرـجـعـ مـنـ قـرـيـبـ. اـبـوـ بـكـرـ اوـلـ مـاـ سـمـعـ الـاـيـةـ رـبـنـاـ بـيـقـولـ لـهـ اـعـفـ وـاصـفـ عـبـديـ وـاغـفـرـ  
لـمـصـطـحـ - [00:22:01](#)

وارـجـعـ تـانـيـ اـصـرـفـ عـلـيـهـ. اـزاـ كـنـتـ عـاـيـزـ رـبـنـاـ يـغـفـرـ لـكـ. ساعـتهاـ بـيـكـيـ الصـدـيقـ وـيـقـولـ بـلـىـ. بـلـىـ اـحـبـ اـنـ يـغـفـرـ اللـهـ لـيـ. بـلـىـ اـنـ يـغـفـرـ اللـهـ لـيـ  
وعـادـ بـالـنـفـقـةـ عـلـىـ مـصـلـحةـ. كـدـهـ اـهـ دـوـلـ الـلـيـ عـاـشـوـاـ بـالـقـرـآنـ. الـلـيـ عـرـضـ نـفـسـهـ عـلـىـ الـقـرـآنـ. هـيـ دـيـ مـدـرـسـةـ - [00:22:21](#)

الـتـرـبـيـةـ. هـيـ دـيـ مـدـرـسـةـ التـزـكـيـةـ الـلـيـ عـاـيـزـ الـحـسـنـ الـاـنـ يـدـعـمـ لـاـصـوـلـهـاـ الـاـنـ. يـدـعـمـ لـاـصـوـلـهـاـ الـاـنـ. عـلـشـانـ كـدـهـ كـانـ حـسـنـ دـايـماـ يـخـرـجـ عـلـىـ  
اـصـحـابـهـ وـهـوـ بـيـرـبـيـهـمـ وـهـوـ بـيـرـبـيـهـمـ. خـدـ بـالـكـ اـنـ باـقـوـلـ يـخـرـجـ عـلـىـ اـصـحـابـهـ مـشـ يـخـرـجـوـاـ عـلـىـ بـتـوـعـهـ - [00:22:41](#)  
واـخـدـ بـالـكـ؟ـ لـاـنـ التـرـبـيـةـ كـدـهـ التـرـبـيـةـ وـالـتـزـكـيـةـ اـنـ اـنـ وـاـنـتـ صـحـابـ. مـاـ تـبـصـشـ اـنـ اـنـ الشـيـخـ وـاـنـتـ التـلـمـيـذـ. الـلـيـ كـانـوـاـ قـولـيـ لـلـنـبـيـ الـلـيـ

الـنـبـيـ رـبـاـهـمـ وـعـلـمـهـمـ. كـانـوـاـ بـيـقـولـوـاـ تـلـاـمـيـذـ الـنـبـيـ وـلـاـ بـيـقـولـوـاـ اـيـهـ؟ـ صـحـابـ الـنـبـيـ. يـاـ رـبـ يـكـونـ المـعـنـىـ وـصلـ - [00:22:59](#)

كـانـ رـحـمـةـ اللـهـ عـلـيـهـ يـخـرـجـ عـلـىـ اـصـحـابـهـ فـيـقـولـ يـاـ اـخـوـانـيـ اـنـ اللـهـ عـزـ وـجـلـ يـقـولـ فـاـذاـ قـرـأـنـاهـ اـتـبعـ قـرـآنـكـ. عـارـفـيـنـ يـعـنـيـ اـيـهـ اـيـةـ دـيـ؟ـ  
سـوـرـةـ الـقـيـامـةـ كـلـنـاـ حـافـظـيـنـهـاـ. مـيـنـ يـقـدرـ يـفـسـرـ لـيـ يـعـنـيـ اـيـهـ؟ـ فـاـذاـ قـرـأـنـاهـ فـاتـبعـ قـرـآنـهـ - [00:23:19](#)

يـلاـ يـاـ اـخـوـانـيـ هـاـ هـاـ اـتـخـازـ القـرـآنـ مـنـهـاـ هـيـ كـدـهـ هوـ كـدـهـ المـعـنـيـنـ صـحـ. فـاـذاـ قـرـأـنـاهـ عـلـيـكـ اـذاـ قـرـأـنـاهـ عـلـيـكـ القـرـآنـ فـاتـبعـ قـرـآنـهـ يـتـبعـ حلـ  
حـلـالـهـ وـحـرـمـ حـرـامـهـ. دـهـ لـلـيـ عـاـيـزـ فـعـلـاـ يـكـونـ اـنـسـانـ يـاـ اـخـوـانـيـ الـلـيـ عـاـيـزـ يـعـرـفـ قـدـرـ التـزـكـيـةـ اللـهـ سـبـحـانـهـ وـتـعـالـىـ فـيـ كـتـابـهـ - [00:23:39](#)  
اـقـسـمـ اـرـبـعـتـاـشـرـ قـسـمـ. وـدـيـ مـاـ حـصـلـتـشـ فـيـ القـرـآنـ. اـنـ رـبـنـاـ يـقـسـمـ فـيـ القـرـآنـ اـرـبـعـتـاـشـرـ وـرـاـ بـعـضـهـ كـلـهـ وـرـاـ بـعـضـهـ اـرـبـعـتـاـشـرـ قـسـمـ وـرـاـ بـعـضـهـ  
فـيـ سـوـرـةـ وـاحـدـةـ. اـنـ السـعـيـدـ الـلـيـ يـزـكـيـ نـفـسـهـ بـيـقـىـ دـيـ مـحـتـاجـةـ مـنـيـنـ نـقـفـ - [00:24:09](#)

قـالـ اللـهـ سـبـحـانـهـ وـتـعـالـىـ وـالـشـمـسـ هـاـ؟ـ وـضـحـاـهـاـ وـالـقـمـرـ وـالـنـهـارـ عـدـ اـرـبـعـتـاـشـرـ قـسـمـ تـلـاـقـيـ فـيـ النـهـاـيـةـ يـاـ تـرـىـ هـوـ رـبـنـاـ اـقـسـمـ عـلـىـ اـيـهـ؟ـ  
تـلـاـقـيـ رـبـنـاـ بـيـقـولـ لـكـ اـيـهـ؟ـ قـدـ اـفـلـحـ مـنـ هـيـ دـيـ مـدـرـسـةـ الـحـسـنـ. يـرـبـطـ النـاسـ اوـيـ بـالـقـرـآنـ. بـسـ - [00:24:29](#)

بس خد بالك انا مش عايز القرآن اللي بيجري بنشوفه كده جري بعيونا. ولكن الحسن بيربى ان احنا محتاجين نطلع جيل قرآنى الجيل ده يا اخوان، اثر القرآن، يظهر عليه - 00:24:49

ما يلفظ من قول الا لديه رقيب عتيد. عمره ابدا ما تلاقي لفظ سيء طبع من بوقه. لا يطلع من بقه لزميه ولا يطلع من بوقه على الصفحة بقاعته. ولا بطلع من بوقه على صفحة واحد دخا. يكتب كه منت او تعليمة. فقام شاتمه. لا لأ خالص. - 00:25:05

لأنه يعلم أن ما يلفظ من قول إلا لها لديه رقيب عتيد. لما يسمع أن ربنا سبحانه وتعالى يقول ولا يغتب بعض البعض احنا محتاجين  
الحياة . إلا لما يسمع الآية بـ . ولا يغتب بعضه فـ . البعض . تلاقيه وقف . عمده ما يقع فـ . عرض . أحد . عمر - 00:25:25

لیکن این میانجی این بخش نباید باشد که در آن میانجی میان این دو بخش قرار گیرد.

الفيس. فلقيت الكل بقى عمال يعمل ايه؟ لقيت الكل شمتان مسلا في حمدلين صباحي ان بنته طلعت نصابة والكلام ده. واتفرج بقى

00:25:45 - على

تعليق واتفرج على السخرية واتفرج يا اخواني احنا نسيينا ان احنا لنا مبدأ مبدأانا ولا يسخر لا يسخر قوم من ان انا عمال اشتمن واغلط ونسبيت ونسبيت ان ربنا سبحانه وتعالى قال ان السمع والبصر والفؤاد كل اولئك كان عنه مسئولا. احنا نسيينا الكلام ده -

00:26:05

اذا الحسن البصري كمجدد هو عايزيني الان اجيال القرآن هو اللي بيأثر فيها. حسن البصري الان عايزيني اجيال يخلي القرآن في حياته زي كشك النور بيتاع الحج بتاعكم. مع الفارق بين التتشبّت. شفتم كشك النور يا احبابي - 00:26:31

شفتم كشك النور؟ كشك النور ده طالع منه سلوك. السلوك دي موصلة الاعمدة. الاعمدة دي موصلة للبيوت. اي نور بيخش اصله منين ؟ من الكشاك. والكشك ده مجموعة اكتشاك. ااصا. الكشاك ده منب: ؟ محطة الكهرباء. القرآن: هو محطة الكهرباء بالله . - 00:26:51

00:27:11

سؤال مش هتعالج اخطاء في سلوكياتك الا لما ترجع للقرآن. مش هنصلح ده غير لما نرجع للقرآن لما جه رجال الحسن بيقول له جئت  
اشكم الماء قسمة قبل قرار ادنه من الذكر اه القرآن: قد يها من الذكر قد يها من المحالس - 00:27:34

علم تلاقي كل حاجة في حياتك اتغيرت. يا أخوانى احنا عايزين نرجع تانى عايزين نرجع تانى. علشان كده لو سألت عن مجالس الحسن البصري علشان وهو كانت معظم مجالس الحسن في القرآن. معظم مجالس الحسن مع الناس في القرآن. يا أخوانى احنا بنقعد مع بعض كتير قوي - 00:27:53

ولكن امتى قعدنا مع بعض علشان نقرأ مع بعض قرآن؟ علشان نطلع ماذا يريد الله عز وجل من القرآن؟ نطلع الاوامر قدامنا والنواهي  
نقول يا جماعة احنا لازم نتعاهد النهاردة قبل ما نقوم من الجلسة دي ان اوامر القرآن نطبقها والنواهي وبعد عنها. هو ده الاصل يا  
اخوان .. والله له يعلوه قدركم - 00:28:13

لن يعلو قدركم ولا يرتفع شأنكم عند ربكم عز وجل الا اذا كنتم جيلا قد زكي نفسه. ومش هتزكوا انفسكم يا اخوانى الا ما ترجعوا للقرآن. لا اقصد ابدا بقراءة القرآن ان احنا نهذب هذ الشعور. ولا اان يكون هدف كا واحد مننا ان احنا نختتم السورة. ولكن: مش.

00:28:33

انفسنا يا اخواني غير لما نرجع للقرآن قراءة وتدبرا وعلما وعملا وتطبيقا على ارض الواقع. لما نخلي القرآن كده شيء ملموس في حياة الناس في تعاملات الناس وفي اخلاق الناس وفي سلوكيات الناس. ده المعنى اللي الحسن البصري عايز يأكّد عليه. والله اذا طلب الرجل - 00:28:53

لم يلبيت حتى يرى ذلك في خشوعك وتواضعه وحلمه واديه مع الناس. العمل بالقرآن هو ده المراد من الحيل الله، انا ارجو ان انتم ان شاء الله الحيل الله، ربنا يمكن على ايديه. ولكن بشرط لما تكونوا من - 13:29:00

اهل القرآن اللي الحسن الان بيبنيهم. اللي الحسن الان بيحاول انه يزكيهم. علشان كده النبي صلى الله عليه وسلم يا اخوانى حديث عجیب جداً بس لما تصلوا على النبي. حديث رواه الامام البخاري في كتاب خلق افعال العباد. وروض الطبراني في معجمه الكبير من حديث - 00:29:33

ابي جمعة الانصاري رضي الله عنه قال قلنا يا رسول الله هل من قوم هم اعظم منا اجرا في ناس يا رسول الله اعظم منا اجرا امنا بك واتبعناك وقاتلنا على دينك. فقال صلى الله عليه وسلم - 00:29:53

وما يمنعكم وما يمنعكم رسول الله صلى الله عليه وسلم بين اظهاركم يأتيكم الوحي من السماء. انتم انتم ايه اللي يمنعكم ان انتم تكونوا افضل الناس. ده النبي معكم وممتنين تاني بقى؟ والوحي عمال يتنزل بينكم. لازم تكونوا افضل الناس. قالوا يا رسول الله فمن افضل الناس - 00:30:13

ممتنين بقى اللي افضل الناس؟ فقال النبي صلى الله عليه وسلم بل قوم يأتون من بعدكم يأتونهم كتاب بين لوحين المصحف بين لوحين يؤمّنون به ويتعلّمون بما فيه اولئك اعظم اجرا. اولئك اعظم اجرا - 00:30:36

ركذ في الحديث قوي. يتبيّن لك ان النبي صلى الله عليه وسلم يعني فعلاً ما تم له التمكين في الأرض. الا بعد ان انشأ جيلاً من القرآن مش جيل حفظة القرآن. ولكن جيل كان بيهم قوي انه يأخذ قدر بسيط من القرآن ولكن يعمل بما في هذا القرآن - 00:30:56  
عشان كده النبي عز وجل من شأنه. يا اخوانى لابد ان نعلم جميعاً ان الجيل اللي ربنا سبحانه وتعالى بینجيه سواء في اي مرحلة من مراحل الدنيا او الآخرة هو ذلك الجيل - 00:31:16

ان انا ارجو من الله سبحانه وتعالى ان تكونوا منهم. الجيل اللي جعل القرآن له منهج حياة. الجيل اللي فعلاً ينظر للقرآن للعمل بما في القرآن هو ده لجيل الناجي. النبي صلى الله عليه وسلم يقول وان العبد المؤمن اذا وضع في قبره - 00:31:37

اتاه ملكان فينتهراه ويقولان له من ربك؟ وما دينك؟ وما عملك؟ فالعبد ده بيقول انا ربى الله ربى الاسلام ونبي محمد. اما عملي فهو ما اتكلمش عن الصلاة ولا اتكلم عن الزكاة ولا اتكلم عن اي شيء. ولكن يعني هو الان بيقول بيقول - 00:31:57  
انا رجل كنت بذكي نفسي. انا راجل كنت حريص جداً ان النفس بتاعتي دي تسمو. فيقول قرأت القرآن وعملت بما فيه. فيقولان له على هذا حبيت. وعلى هذا مت وعلى هذا - 00:32:17

تبعث ان شاء الله. ده الجيل المرجو. الجيل اللي يسمع ربنا سبحانه وتعالى بيأمر في القرآن بقيام الليل كانوا قليلاً من الليل ما يهجنون وبالاسحار هم يستغفرون. ده الجيل اللي قضى ليه قيام. قضى ليه استغفار. الجيل اللي ربنا - 00:32:37  
وتعالى امره بعمارة الأرض فتلقيه ما شاء الله عمر الأرض بالنهاية وبالليل عابد من العباد. الجيل اللي ربنا سبحانه وتعالى امره بحسن الخلق بين الناس تلاقيه ما شاء الله. ما شاء الله لا قوة الا بالله. فيما بينه وبين بعضهم البعض. هو ده الجيل. ده الجيل المنشود. ده الجيل اللي احنا نرجوه - 00:32:57

ده الجيل اللي الحسن البصري كان حريص انه يبنيه ويربيه. الجيل اللي اللي بيعيش بالقرآن يحيا بالقرآن يعمل بالقرآن يتحاكم الى القرآن لا يرضي بالشريعة الا بشريعة القرآن. ده الجيل اللي ربنا بينصره وبيسدده. النبي صلى الله عليه وسلم - 00:33:17  
عشان اقول لك آآآان اذا كان الانسان هينجو لما يكون عبد قرآنى خد القرآن ده منهج حياة له انا عايز اوضح لك برضه ان اكتر الناس عذاباً يوم القيمة الناس اللي ابتعدت عن منهج القرآن. الناس اللي بعدت عن منهج - 00:33:37

قراءة القرآن وقصرت في العمل. قرأت القرآن وخالفت الأوامر. اللي الحسن البصري كان بيقول عليهم في مدرسة التزكية ايه؟ كان بيقول اقوام اقاموا حروفه وضيعواها؟ ما تنسوش الكلمات دي. اقوام اقاموا حروفها ولكن ضيعوا ايه؟ النبي صلى الله عليه وسلم بيقول مررت - 00:33:57

ليلة اسرى بيت على اقوام تقرض شفاههم بمقاريف من نار. عايزك تعيش مع مع الشكل ده المنظر ده ليلة الاسراء النبي عمال يرى ايات فبيقول انا رأيت اقوام تقرض شفاههم بمقاريف من نار. مقصات وسكاكين - 00:34:17  
من النار عمالة تقطع في شفاه الناس دي. عارفين دول مين؟ ده دول مش زناة والعياذ بالله. دول مش نسوة والعياذ بالله كفرة ده ناس

مسلمين. دول والعياذ بالله مش ناس آآمش بتوع ريبة ولا الكلام ده خالص - 00:34:37

ده النبي صلى الله عليه وسلم قال فقلت يا جبريل من هؤلاء مين الناس دي؟ من هؤلاء يا جبريل؟ فقال النبي جبريل يا رسول الله هؤلاء الذين يقولون ما لا يفعلون يقرأون كتاب الله ولا يعملون به. انا عايز دي بس. عش مع دي بس - 00:34:55

هؤلاء اقوام يقرؤون كتاب الله ولا يعملون به حاله في قبره كده. يبعث يوم القيمة كده اللي يقرأ في القرآن عن غض النظر ولا يغض بحاله. اللي يقرأ في القرآن وعاشروهن بالمعرفة وموري زوجته المرار ده حاله - 00:35:15

اللي قرأ القرآن ولم يعمل به. اللي قرأ في القرآن ما فيش غش ويفش. اللي قرأ في القرآن حافظوا على الصلوات وهو مضيع الصلوات ده حاله في قبره. يقرأ القرآن ولا يعمل به. علشان كده كانت من اصول التربية عند الحسن البصري - 00:35:38

انسان اول من اسس لمدرسة التزكية في الناس كمجدد من اللي جددوا امر التزكية بيأكده على المعنى ده. يا اخوانى علموا نفسكم مش شرط عندي مش اساس عندي انك تختتم كتاب ربنا عز وجل. يا اخي يكفيك سورة واحدة. يكفيك صورة واحدة. بس تكون - 00:35:58

خد سورة النور بس. خدها منهج حيالك. خد سورة الحجرات وخلبها منهج حالك. مش عايز منك اكتر كده والله يا اخوانى انا كنت زمان زمان كنت بقول ازاى النبي يجي له واحد عايز يتتجوز فيجوزه بسورة من القرآن. اصل مش - 00:36:18

مش بسيطة ان النبي يقول انانا هزوجك على الصورة دي. ان الصورة دي فيها ادب واخلاق وامور تربوية واحكام فقهية. هو عامل بها فكان الاهل انه يتتجوز كان اهلي انه يتتجوز لما اخذ صورة زي صورة الحجرات تعلم فيها اللادب مع ربنا. اللادب مع النبي اللادب مع الناس اللادب مع عدوك. اللادب - 00:36:38

مع عدوك لما تأخذ الحاجات دي انت فعلا ده الجيل اللي اهل ان ربنا سبحانه يا اخوانى لما نكون قرآن ماشي على الارض ربنا ينصرنا. لما موسى ابن نصیر اراد انه يفتح بلاد الاندلس كان اول حاجة عملها قبل ما يفكر في بلاد الاندلس وفتحها. اول حاجة عملها - 00:36:59

انه يأخذ الشباب اللي هم الشباب اللي لسه دخل في الاسلام جديد اللي هم الشباب بتوع الشمال الافريقي. يربىهم ويعلمهم رباهم وزكاهم وعلمهم. الجيل ده لما نزل في ارض الاندلس اهل الاندلس كانوا في الوقت ده بيسموا بنصارى القوط - 00:37:19

رسالة الى الملك لوزديق روزليق الملك بتاعهم. بعثوا له رسالة رائعة جدا. وهي دي الرسالة اللي انا عايز اكده عليها النهاردة رسالة انهم شافوا قرآن قدام عينيهم. شافوا قرآن يمشي على الارض في العبادة في الاخلاق في السلوك - 00:37:39

في التعاملات. قالوا ايها الملك انه قد نزل قبلنا اقوام. لا ندري اهم من اهل الارض ام هم من اهل السماء؟ احنا مش عارفين الناس اللي قدمانا دول. الناس اللي نازلين لارضنا دول. احنا مش عارفين الناس دي من اهل الارض ناس زينا كده! اه نصوم من اهل الارض ولهمن مناخير - 00:37:59

عنين وايدين ورجلين بس هم من اهل السماء ليه من اهل السماء؟ لما شافوا علاقة ما فيش حاجة اسمها آآآ في قائد وجندى. بس ما فيش تكبر فين القائد للجندى؟ شافوا المحبة والمودة اللي بينهم وبين بعض. شافوهم بالليل وهم بيصلوا قيام ليل. شافوا اخلاقهم وطبعاهم بينهم وبين بعض - 00:38:22

علشان كده الاندلس حوالي تمانين تسعين في المية من الاندلس لم يفتح بمعارك. الاندلس كلها فتحت ابوابها وفتح حصنوها لمين؟ للجيل اللي داخل للجيل اللي داخل ده. جيل ما كانشحتاج لقتال ولا كان يحتاج لمعارك. لانه اصلا حارب زمان. لانه اصلا قاتل - 00:38:42

قدি�ما بس ما كانش بيقاتل عدوه. كان بيقاتل نفسه اللي بين جنبيه. كان بيقاتل طباع سيئة موجودة فيه. كان بيقاتل اخلاق كانت موجودة جواك. لما استطاع انه يغلب نفسه ويقود نفسه. الجيل ده لما نزل بلاد الاندلس قالوا الناس دي ناس من السماء. لان طبعا كان - 00:39:02

ان اهل السماء دول ناس معصومين من الكذب والخيانة والكلام ده كله. فهم شاييفين الناس دي اهل السماء! احنا كده! احنا كده احنا

كمسلمين كده علشان كده بقول لكم التجديد اللي اللي قام به الحسن البصري كان تجديد في المنهج ده. ان انا - 00:39:22

طلع الجيل اللي تكون دي صفاتة. اطلع الجيل اللي تكون دي سماته. ارجع تاني واؤكد على الكلام الحسن. كان يقول ابني اريد من الرجل اذا طلب القرآن لم يليث ان يرى ذلك في خشوعه وحلمه وتواضعه وادبه. وادبه - 00:39:42

احنا محتاجين دي. محتاجين دي من الحسن. آسف سبحان الله! انت كل ما تيجي بتقرأ في الاحاديث اللي النبي ذكرها عن القرآن 00:40:02 ومدرسة القرآن كاول اصل من اصول تزكية النفس. تلاقي دايما يا محمود رينا بيقرن بين القرآن وبين العمل به -

بين القرآن وبين العمل. شف النبي صلى الله عليه وسلم ماذا يقول انت ما بتصلوش ليه؟ قال النبي صلى الله عليه وسلم يؤتى بالقرآن 00:40:22 واهله الذين كانوا يعملون به في الدنيا. خد بالك يؤتى بالقرآن واهله الذين كانوا ايه؟ ايه -

مش سامع ايه؟ اه يعملون به في الدنيا. ده كان الجيل ده كده. يعملون به في الدنيا. تقدمهم سورة البقرة وال عمران وانت عارفين بقى الاحاديث فتكون كانوا غمامتان او غایتان او كانوا في القان من طين صاف تحجان عن صاحبها يوم القيمة. هو ده المعنى - 00:40:42

اوعوا يا اخواني يكون واصل اليكم ان انت هتزكوا انفسكم تزكوا انفسكم انك تقرأ القرآن وتمر عليه مرور الكرام. لا يا اخوة بل الاصل في القرآن انك تعمل به الاصل في القرآن انك تحـل حـالـه وتحـرـم حـرامـه. هي دي التـزـكـيـةـ الحـقـيقـيـةـ للـنـفـسـ - 00:41:02

علشان كده النبي في حدث جابر ابن سمرة رضي الله عنه الذي رواه البخاري الحديـسـ الطـوـيـلـ المـعـرـوـفـ وفيـهـ انـ النـبـيـ صـلـىـ اللهـ عـلـيـهـ وـسـلـمـ مـرـعـلـيـ رـجـلـ مـضـطـجـعـ عـلـىـ قـفـاهـ وـاـحـدـ نـاـيـمـ عـلـىـ ضـهـرـهـ وـعـلـىـ رـأـسـهـ رـجـلـ مـعـهـ حـجـرـ حـجـرـ عـظـيمـ فـيـأـخـذـ الحـجـرـ فـيـضـرـيـهـ بـهـ عـلـىـ - 00:41:22

فتـنـفـلـقـ الرـأـسـ بـتـنـقـسـ نـصـيـنـ. ويـتـدـهـدـهـ الـحـجـرـ وـالـحـجـرـ يـجـريـ. عـاـيـشـ المـشـهـدـ دـهـ فـيـذـهـبـ الرـجـلـ فـيـأـتـيـ بـالـحـجـرـ فـتـلـتـئـمـ رـؤـسـ فـيـضـرـيـهـ عـلـىـ رـأـسـهـ فـيـنـفـلـقـ الرـأـسـ وـيـتـدـهـرـ هـذـهـ الـحـجـرـ. فـقـالـ النـبـيـ لـلـمـاـكـيـ مـنـ هـذـاـ؟ فـقـالـ لـيـ اـنـطـلـقـ اـنـطـلـقـ. وـفـيـ اـخـرـ الـحـدـيـثـ لـمـاـ - 00:41:42 سـائـلـ النـبـيـ مـيـنـ الرـاجـلـ دـهـ؟ مـيـنـ الرـاجـلـ دـهـ؟ الرـاجـلـ دـهـ يـاـ اـخـوـانـيـ مـمـكـنـ اـكـونـ اـنـاـ. اوـ اـنـتـ؟ اوـ اـخـتـنـاـ اللـيـ قـاعـدـةـ فـوـقـ عـارـفـ الرـاجـلـ دـهـ مشـكـلـتـهـ اـيـهـ؟ الرـاجـلـ دـهـ كـانـتـ لـهـ مشـكـلـةـ وـاحـدـةـ بـسـ. انـ رـبـنـاـ سـبـحـانـهـ وـتـعـالـىـ - 00:42:02

اتـيـ القرآنـ انـ رـبـنـاـ اـتـاهـ القرآنـ فـكـانـ يـنـامـ عـنـهـ بـالـلـيـلـ وـيـدـعـ الـعـلـمـ بـهـ بـالـنـهـارـ اـنـ بـتـتـحـمـلـ تـكـونـ كـدـهـ؟ تـتـحـمـلـ اـنـ يـكـونـ دـهـ عـذـابـكـ؟ هـذـاـ الجـيلـ الـلـيـ هـيـفـضـلـ دـايـماـ الذـلـ مـصـاحـبـ لـهـ. اـنـمـاـ الجـيلـ الـلـيـ رـبـنـاـ سـبـحـانـهـ وـتـعـالـىـ بـيـمـكـنـ لـهـ فـيـ الـارـضـ. الجـيلـ الـلـيـ رـبـنـاـ سـبـحـانـهـ وـتـعـالـىـ لـمـ بـيـرـاـ - 00:42:22

في صورة الجيل ده بيكون اهل ان ربنا هو اللي يقيم الشريعة فيه. احنا محتاجين نكون الجيل ده. فلما قال النبي للملكيـنـ اـهـذـاـ مـنـ هـذـاـ؟ قالـواـ هـذـاـ هوـ الرـجـلـ الـذـيـ اـتـاهـ اللهـ القرآنـ. اـيـاـ كـانـ بـقـىـ معـكـ تـلـاتـ اـجـزـاءـ معـكـ جـزـئـيـنـ معـكـ اـرـبـعـةـ معـكـ خـمـسـةـ - 00:42:52

هوـ الرـجـلـ الـذـيـ اـتـاهـ اللهـ القرآنـ. بـيـعـمـلـ بـهـ اـيـهـ؟ نـاـيـمـ عـنـهـ بـالـلـيـلـ. وـيـدـعـ الـعـلـمـ بـهـ بـالـنـهـارـ دـهـ الاـصـلـ يـاـ اـخـوـانـيـ فـيـ كـتـابـ رـبـنـاـ سـبـحـانـهـ وـتـعـالـىـ. اـنـتـ لـوـ جـيـتـ بـقـىـ بـصـيـتـ بـقـىـ لـجـيلـ الصـحـابـةـ الجـيلـ الـلـيـ رـبـنـاـ مـكـنـ لـهـ اـنـاـ بـقـولـ رـبـنـاـ مـكـنـ لـيـ - 00:43:12

لانـ النـبـيـ صـلـىـ اللهـ عـلـيـهـ وـسـلـمـ استـطـاعـ انهـ بـيـنـيـ جـيلـ قـرـآنـيـ. عمرـ رـضـيـ اللهـ عـنـهـ دـيـ مـنـ مـنـ عـجـائـبـ الـامـورـ يـعـنـيـ لـمـ نـزـلـ قـوـلـ اللهـ سـبـحـانـهـ وـتـعـالـىـ لـسـهـ هـقـولـ لـكـمـ دـلـوقـتـيـ سـوـرـةـ الـحـجـرـاتـ. لـمـ نـزـلـ قـوـلـ اللهـ سـبـحـانـهـ وـتـعـالـىـ لـاـ تـرـفـعـوـ اـصـواتـكـ - 00:43:32

فـوـقـ صـوتـ النـبـيـ وـلـاـ تـجـهـرـواـ لـهـ بـالـقـوـلـ كـجـهـ بـعـضـكـمـ لـبـعـضـ انـ تـحـبـطـ اـعـمـالـكـمـ. لـمـ سـمعـ عمرـ الـاـيـةـ دـيـ كـانـ عمرـ اـذـاـ تـحـدـثـ مـعـ النـبـيـ صـلـىـ اللهـ عـلـيـهـ وـسـلـمـ لـمـ يـسـمـعـ رـسـوـلـ اللهـ صـلـىـ اللهـ عـلـيـهـ وـسـلـمـ مـنـهـ حـتـىـ يـسـتـفـهـمـهـ. اـيـهـ؟ اـيـهـ؟ بـنـقـولـ اـيـهـ؟ قـلـ يـاـ عمرـ - 00:43:52

بتـقـولـ اـيـهـ هوـ خـدـ الـاـيـةـ وـطـبـقـهاـ خـدـ الـاـيـةـ حـولـهاـ لـمـنـهـ حـيـاةـ ماـ تـرـفـعـشـ صـوتـكـ مشـ رـافـعـ صـوتـيـ اـنـتـهـتـ بـيـجيـ يـكـلمـ النـبـيـ اـيـهـ بـتـقـولـ اـيـهـ يـاـ عمرـ قـلـ تـانـيـ تـانـيـ حـتـىـ يـسـتـفـهـمـهـ - 00:44:12

لـمـ رـبـنـاـ سـبـحـانـهـ وـتـعـالـىـ نـزـلـ اـيـةـ الـحـجـابـ لـمـاـ قـالـ رـبـنـاـ تـبـارـكـ وـتـعـالـىـ وـلـيـضـرـيـنـ بـخـمـرـهـنـ فـشـقـقـنـ مـرـوـطـهـنـ فـاخـتـمـرـنـ بـهـ اـنـتـهـيـ - 00:44:29

ربـنـاـ اـمـرـ بـالـحـجـابـ اـنـاـ هـطـلـعـ اـتـحـجـبـ. عـلـىـ طـوـلـ مـشـ رـبـنـاـ قـالـ دـلـوقـتـيـ اـنـ اـحـنـاـ نـتـحـجـبـ يـاـ جـمـاعـةـ؟ خـلاـصـ. اـنـاـ هـتـحـجـبـ الجـيلـ دـهـ بـقـىـ

اللي ربنا يفتح له. الجيل ده اللي عاش بالقرآن ربنا مازا يريد الله من هذه الآية؟ لما نزل قول الله سبحانه وتعالى لن - 00:44:50  
تناال البر حتى تنفقوا مما تحبون. مش اي نفقة. ده انت تنفق من حاجة تحبها. لن تناالوا البر حتى تنفقوا مما تحبون شف الجيل ده لما النبي زakah شوف كانت النتيجة ايه. جاء ابو طلحة الانصاري الى رسول الله صلى الله عليه وسلم. فقال يا رسول الله انتي قرأت قول الله عز وجل - 00:45:10

لو سمعت الله عز وجل يقول لن تناالوا البر حتى تنفقوا مما تحبون. يا رسول الله ان احب اموالي الي بير حاء كانت جنية قصاد مسجد النبي صلى الله عليه وسلم. وكان فيها ماء عذب وكل شوية هنا بيخش الجنينة دي يشرب منها. ان احب اموالي الي بروحاء - 00:45:33

وانني اشهدك يا رسول الله انها في سبيل الله. طب تصدق باي بستان تاني؟ تصدق باي ارض تانية؟ لا لا اصل ربنا بيقول لن تناالوا البر حتى تنفقوا ايه؟ هي دي احب حاجة عندي فهي لله. هان عليك؟ يعني انت هان عليك؟ واحد مسلا لسه جايب - 00:45:53  
مسلا مسلا تاب جديد مسلا. جاب مسلا ابياد جديد مسلا. وربنا قال لن تناالوا البر حتى تنفقوا مما تحبون. هل الانسان مننا ما حبه لهذا الجهاز يقدر النهارده يقول خلاص هو لله؟ هل الانسان النهاردة مننا لما يكون معه مبلغ من المال؟ عنده القدرة يقول ربنا بيحب حاجة - 00:46:13

لما تكون اخت مسلا عندها دهب كتير وفيه خاتم كده بتحبه زياده. لما تسمع قول واحد لن تناالوا البر حتى تنفقوا مما تحبون. هتقدر تطلعه هتقدر الجيل ده عدى بسبب الامر ده. على فكرة ابو طلحة الانصاري برضه - 00:46:33  
ابو طلحة الانصاري رضي الله عنه ايضا آآ وهو عنده ثلاثة وثمانين سنة. عنده كم سنة؟ هو عنده ثلاثة وثمانين سنة يسمع قول الله عز وجل انفروا خفافا وثقالا وجاهدوا في سبيل الله باموالكم - 00:46:53

انفسكم ذلكم خير لكم ان كنتم تعلمون. ثلاثة وثمانين سنة يا شريف. ثلاثة وثمانين سنة يا محمد. ثلاثة وثمانين سنة. يسمع الآية يا هاني يقول لولاده جهزوني للقتال. قتال ايه يا سيدى انت عندك ثلاثة وثمانين سنة. وربنا وضع عنك الجهاد. جهزوني ربنا يقول انفلوا خفافا وثقالا - 00:47:18

وانا ما اطلعشي طلعوني دلوقتي. ويطلع رحمة الله عليه في خلافة عثمان وفي خلاف كانت اول معركة في البحر. ويموت في السفينه قبل ما يروحوا للقوم اللي هم رايحين يقتلواهم ويموت في السفينه. وهو في السفينه - 00:47:38

يمر سبع ايام عايزين يدوروا على اي جزيرة يدفونه فيها سبع ايام. وفي اليوم السابع وجدوا جزيرة نزلوا ودفونه. قالوا والله والله لم يتغير جسمه بعد سبع ايام. جيلي اتربي انه لما يسمع ربنا قال حاجة انا هانفز فورا. هي دي المدرسة اللي بينشدها الان الحسن - 00:47:54

الحسن البصري اللي خد المعاني دي من النبي. يا اخواني جيل الشباب اللي احنا عايزينه الان عايزينه نربى اعيننا هو الجيل اللي عظم القرآن قوي وبيعمل بمقتضى هذا القرآن. ده الجيل اللي احنا عايزين نشووفه الان. الجيل اللي رأى القرآن كده قال قال خلاص القرآن ده منهج حياة. مش عايزك تكتر - 00:48:14

قوي من الحفظ يا اخي خد لك صورة بس اعمل بها بس احفظ ايات شف منهج النبي في التربية. المنهج ده اللي خده بقى الحسن البصري عنده في مدرسة التزكية بتاعته. يقول ابو عبدالرحمن السلمي رحمة الله عليه او السلمي - 00:48:34  
يقول احنا اخذنا القرآن عن اقوام اخبرونا. ابو عبدالرحمن السلمي ده من كبار التابعين اللي خد القرآن على ايدي علي ابن ابي طالب ابي ابن كعب عبدالله ابن سعود وعلي ابن ابي طالب. فيبيقول يا جماعة احنا لما جينا نتعلم القرآن اتعلمناه من الاربعة دول. والاربعة - 00:48:49

دول قالوا لنا ان النبي علمهم بقى ازايا؟ ان النبي صلى الله عليه وسلم كان اذا علمهم عشر ايات لم يجاوزوهن الى العشر الاخر حتى يعلموا ما فيهن من العمل. فاذَا علموا عملاً. قال فاخذنا منهم العلم والعمل جميعا - 00:49:09  
شفت المنهج يا شباب الصحوة الاسلامية يا شباب التيار الاسلامي كله. شفت المنهج هو ده المنهج اللي احنا عايزين نعيش عليه الفترة

اللي جاية دي. ان انا فعلا اانا انسان منضبط بضوابط القرآن. ليطلع مني لفظ ولا يطلع مني فعل - 00:49:29

ولا يحصل مني اي شيء الا وانا بعرض نفسي على القرآن. ده الجيل اللي ربنا سبحانه وتعالى بيكرمه وده الجيل اللي ربنا سبحانه وتعالى بيرفع من شأنه ده الجيل اللي ربنا سبحانه وتعالى يمكن فيه. صلاح الدين لما حب ان هو يطلع للصلبيين ويحرر بيت المقدس. مش - 00:49:49

اول حاجة عملها انه يلم الناس ويبيقى عنده الاف من الجنود يطلع يحارب بهم. لأن ما صاع هذا؟ بل صلاح الدين اهتم من البداية انه يبني جيل قرآنى فجمع اقوام المدارس في كل مكان يشوف الناس بتتجمع فين اقام المدارس العلمية في كل مكان اقام مدرسة عند مسجد الحسين واقام مدرسة عند قبر - 00:50:09

الامام الشافعى واقام مدرسة مش عارف فين ومدرسة فين والمدارس دي قال للعلماء بصوا انتم تيوجوا تقدعوا في المدارس دي تعلموا الناس القرآن ويعنى ايه يعملوا القرآن وكانت النتيجة ان لما قدر صلاح الدين يطلع الجيل القرأنى ده لم يقف امامه جيش - 00:50:33

لم يقف امامه جيش وفتح الله عز وجل به. وكان من المجددين اللي ربنا جدد بهم بس جدد بهم لما استفاد من تجربة الحسن البصري في التجديد الحسن البصري في التجديد بتاعه اقام اول عمود في مدرسة التجديد بتاعته القرآن بس. علموا الناس - 00:50:52  
اربطوا الناس بالقرآن علما وعملا ومدارسة وفهمها. اربطوا الناس بالقرآن. يا اخواني النبي صلى الله عليه وسلم استطاع انه يبني جيل قرآنى لما كان النبي كل اما يقعد معهم يقول لهم تعالوا احنا هندرس اية قرآن النهاردة اقعدهوا كدهو ويقعد معهم ويكلمهم عن اية من القرآن - 00:51:12

كانوا يشرح لهم ويفسر لهم. صلى الله عليه وسلم. لما كانت مجالسهم لما النبي يخرج عليهم يبقى فرحان قوي. النبي يقول ابو ريح الخذاعي خرج علينا النبي ذات يوم واحنا نقع القرآن فقال ابشرنا ابشرنا. لما شفنا بنقرأ القرآن ابشروا ابشروا ان هذا - 00:51:32  
كان سبب الحبل طرفه بيد الله وطرفه باديكم وانكم لن تضلوا ولن تهلكوا بعده ابدا. لما النبي صلى الله عليه وسلم قدر قدر فعل انه يبني جيل جاب اربعة من الصحابة. سالم مولى حذيفة ابي بن كعب تعالوا احنا هندرس اية قرآن النهاردة اقعدهوا كدهو ويقعد معهم ويكلمهم عن اية من القرآن - 00:51:52

الاربعة دول وقال لهم تعالوا وجمع الناس قال لهم اتعلموا القرآن من الاربعة دول. النبي صلى الله عليه وسلم ينادي على ابي بن كعب شوفوا يا اخواني النبي ازاى قدر يبني جيل كده. النبي ينادي على ابي بن كعب فيقول له يا ابي شف امر ربنا ان الله يأمرني حديث صحيح مسلم. ان الله - 00:52:12

ان اقرأ عليك سورة البينة. فيبكي ابي ويقول يا رسول الله الله سماي لك؟ ربنا في السما قال لك ايه اقرأ القرآن على ابي ربنا قال اسمي ويبكي ابي لما النبي يجيب ابن مسعود ويقول له تعال يا ابن مسعود اقرأ علي اقول يقول يا رسول الله القراء عليك وعليك انزل؟ اقرأ عليك يا رسول الله وعليك انزل قال ابني لا اشرك - 00:52:32

ان اسمعه من غيري. النبي صلى الله عليه وسلم لما يرى لما يبني جيل بالصورة دي الجيل ده اللي ربنا يفتح عليه. انما يا اخوة لا علاقة لنا بالقرآن. احنا بعيد عن القرآن صدقني انت ميت. انت مش حي ابدا. مثل الذي يقرأ القرآن والذى لا يقرأ القرآن - 00:52:58  
كمثلها حي ميت. والنبي صلى الله عليه وسلم وضح لنا في حديث اخر لما قال لا تجعلوا بيوتكم قبورا. ان الباء لا تجعلوا بيوتكم قبورا. آآ قلبك هييقى قبر. بيتك يبقى قبر. اذا ما كانش فيه قرآن في البيت - 00:53:18

اذا ما كانش فيه قرآن في البيت انت هتلaci نفسك حافظ مسلا اتناسن تلتاشر جزء من القرآن. فكرت في يوم من الايام تقدع مع والدك تعلمها؟ تقدع مع والدتك تعلمها - 00:53:38

فكرت في يوم من الايام ان يكون في مجلس سابت كل اسبوع بين والدك ووالدتك او بنتك وزوجتك واولادك مجلس قرآن فكرت تربى اولادك على القرآن ولا ما فكرتش يا اخواني الجيل اللي ربنا سبحانه وتعالى وعده بالنصر ووعده بالتمكين هو الجيل الذي جعل القرآن له منهج حياة - 00:53:48

الجيل اللي ربنا سبحانه وتعالى يعني هذا الجيل اللي يجعل يعني القرآن له منهج ايه يا اخواني؟ يعني اختم بقى قبل الاذان بحديث واحد الحديث ده فيه قال النبي صلى الله عليه وسلم ليس منا - 00:54:08

ليس منا مين؟ مين اللي النبي يقول ليس منا قال صلى الله عليه وسلم ليس منا من لم يتغنى بالقرآن يجهز به. يعني ان ما كتتش بتقدعد مع نفسك كده وانت - 00:54:28

راكب العربية بتندن القرآن وترتل القرآن وتسمع نفسك القرآن النبي بيقول ده ليس منا النبي لما بيقول انت ماشي في الشارع ولا تندن كده ولا تقرأ ولا تجهز وما بتحسنش صوتك بالقرآن ده ليس منا - 00:54:48

لان النبي قال ان اللي منا ان اللي عاشه بالقرآن وجعل القرآن منهج حياة. شريف انت قاعد في المحل بتاعك افتح مصحفك لو فاضي واقرأ القرآن وسمع الناس وانت اسماء. كلكم اعملوا جلسة في السنتر عندكم جلسة قرآن. نص ساعة في اليوم - 00:55:08 شد باب المحل عندكم باب السنتر عندكم. قل لهم يا جماعة يلا نقرأ قرآن نص ساعة بس. الشباب اللي من المدينة الجامعية والشباب اللي جايin من برة المنصورة. في المدينة - 00:55:28

الجمعية لازم تكون في حلقات قرآن مستمرة. يعني انا كنت النهاردة لسه بنرتب موضوع ان احنا بنبدأ ننشئ بقى خلاص احنا قلنا المجدد الثاني الحسن البصري يبقى لازم اي واحد هنشوفه نمشي على منهجه. الحسن البصري بيأسس دلوقتi لمدرسة القرآن واهل القرآن. خلاص انا هاعمل كده. هاعمل كده. وان شاء الله بس عشان - 00:55:38

علشان ان شاء الله امتحاناتكم باذن الله احنا بنجهز الان لمدرسة للقرآن. قراءة وتدبر وفهمها وعملا وتطبيقا هنا في المسجد ان شاء الله. مجرد بس بتتعدي الامتحانات نبدأ ان شاء الله وتكون لها اعلانات في كل مكان. بحيس ان شاء الله احنا ناخد حاجة - 00:55:58 نعمل بقى نبدأ نطبق ونبدأ نعمل ان شاء الله. يعني اسأل الله سبحانه وتعالى ان يوفقنا واياكم لما يحب ويرضى. الاسبوع القادم ان شاء الله اذا ربنا احيانا. ناخد العمود الثاني من اعمال - 00:56:18

مدرسة التزكية التي اقامها الحسن البصري رحمة الله عليه كمجدد في باب التزكية وبتربيبة النفس الا وهي ما يتعلق ايه؟ خليها مفاجأة ان شاء الله هتقفل ان شاء الله بهذا القدر وصلى - 00:56:28

ابي محمد وعلى الله وصحابه وسلم. سبحانه الله وبحمده. اشهد ان لا اله الا انت. استغفرك واتوب اليك - 00:56:48